




ՄԱՅՐ ԱԹՈՌՈՒՄ

Մայիսի 4-ին, կիրակի.—Տօն երեման ս. Խաչի:

Մայր տաճարում հանդիսավոր ս. սբատարագ մատուցեց արժ. տ. Հակոբ քհն. Հակոբյանը: «Հայր մեր»-ից առաջ քարոզեց արժ. տ. Նշան քհն. Բեյլերյանը՝ «Այսօր երեւալ նշան յաղթութեան քո Տէր» բնարանով:

*
* *

Մայիսի 11-ին, կիրակի.—Մայր տաճարում պատարագեց հոգ. տ. Գևորգ վրդ. Սերապիւսյանը և քարոզեց «Ես եմ դուռն, ընդ իս եթէ ոք մտանիցէ, կեցցէ, մտցէ և ելցէ և ճրագ գտցէ» բնարանով:

Ս. պատարագին ներկա էր Վեհափառ Հայրապետը:

*
* *

Մայիսի 12-ին, երկուշաբթի.—Հոգևոր ճեմարանի հանդիսասրահում Կոմիտաս վարդապետի կյանքի և գործունեության մասին դասախոսութեամբ հանդես եկավ Միհրան Թումաճանը: Դասախոսությանը ներկա էին Մայր Աթոռի միաբանությունը, հոգևոր ճեմարանի դասախոսական կազմը և ուսանողությունը:

*
* *

Մայիսի 14-ին, չորեքշաբթի.—Հոգևոր ճեմարանում «Սփյուռքահայությունը և հայ հո-

գեվորականության դերը» շահեկան և բովանդակալից դասախոսությամբ հանդես եկավ լիբանանահայ հայտնի բանաստեղծ և «Նաիրի» շաբաթաթերթի խմբագիր Անդրանիկ Մառուկյանը, որը ուխտավորաբար գտնվում էր Մայր Աթոռում: Դասախոսությանը ներկա էին Մայր Աթոռի միաբանությունը, պաշտոնեությունը, հոգևոր ճեմարանի դասախոսական կազմն ու ուսանողությունը:

*
* *

Մայիսի 14-ին, 15-ին և 16-ին «Արդի աստվածաբանության հետաքրքրող հարցերը» թեմայով երեք դասախոսություններով հոգևոր ճեմարանում հանդես եկավ ուխտավորաբար Մայր Աթոռում գտնվող, Օհիոյի (ԱՄՆ) համալսարանի փիլիսոփայության դասախոս դոկտ. Հակոբ Ներսոյանը: Դասախոսություններին ներկա եղան Մայր Աթոռի միաբանությունը, հոգևոր ճեմարանի դասախոսներն և ուսանողությունը:

Դասախոսությունների ընթացքում հարգելի բանախոսը պատասխանում էր նաև ներկաներից շատերի և մանավանդ՝ ուսանողների հարցերին:

Դասախոսությունների ավարտին տեսուչ տ. Ներսես Ժ. վրդ. Պողոպոսյանը ջերմ շնորհակալություն հայտնեց դոկտ. Հակոբ Ներսոյանին՝ շահեկան և հետաքրքիր դասախոսության համար:

*
* *

Մայիսի 15-ին, հինգշաբթի.—Համբարձումն Քրիստոսի.

Քրիստոսի Համբարձման հրաշափառ տոնի առթիվ հանդիսավոր ս. պատարագ մատուցվեց Մայր տաճարում: Պատարագեց արժ. տ. Նշան քհն. Բեյլերյանը և քարոզեց՝ «Համբարձաւ Տէրն մեր Քրիստոս» բնաբանով:

*
* *

Մայիսի 18-ին, կիրակի.—Երկրորդ Մաղկազարդ.

Մայր տաճարում ս. պատարագ մատուցեց հոգ. տ. Գևորգ վրդ. Սերայդարյանը և օրվա խորհրդի առթիվ քարոզեց «Մեծահրաշ այս խորհուրդ աւանդութեամբ առ մեզ հասեալ» բնաբանով:

*
* *

Մայիսի 19-ին, երկուշաբթի.—Այսօր հոգեվոր ճեմարանում սկսվեցին 1968—1969

ուսումնական տարվա ամսվերջի քննութիւնները, որոնք կտեսնեն մինչև հունիսի 10-ը:

*
* *

Մայիսի 25-ին, կիրակի.—Հոգեգալուստ (Պենտեկոստէ), հիսնեւորդ օր ի Զատիկէն.

Մայր տաճարում ս. պատարագ մատուցեց հոգ. տ. Ներսես ծ. վրդ. Պողոսյանը և գեղեցիկ ու շինիչ քարոզ քոսեց՝ «Առաքելոյ աղանոյ» բնաբանով:

*
* *

Մայիսի 30-ին, ուրբաթ.—Այսօր Մայր տաճար այցելեց սովետական տիեզերագնաց-օդաչու Վալերի Բիկովսկին՝ իր հարգելի տիկնոջ հետ: Վեհարանում Ամենայն Հայոց Հայրապետը ընդունեց պատվարժան հյուրին և զրույց ունեցավ նրա հետ՝ ջերմ, սրտագին մթնոլորտում:

